

Strass gericht, unnd so gar verwichener tagen bey Eüch ... der erste Durchzug ohnverhinderlich genommen worden. Unnd dieweilen nun in solchen Fählen Ein Eydtgnösisch Ohrt gegen den anderen den Paas unnd freyen Zug den Pündtnus gemess Jederweilen offen behallten, were Unns Niemallen in gedanckhen gestigen, das hierin vonn Eüch ... Ein Neüwerung vorgenommen, unnd Jnnsonderheit, weil Jr gleich andern Ohrten, umb die obgedachte Verwilligung dises Aufbruchs (darunder der Paas für sich selbs verstannden wirt) seindt anersuecht unnd unsers wüssens kein abschlag ertheilt worden. Besonders aber Eüwerem Landtman dises Regiments bestelten H. Obersten [Jakob] L u s s e r n einichs Verhinderung oder Intrag getan, das erst der Zeit ohnversehenermassen den Unnseren zue nicht geringem nachtheill unnd schaden ein solches bedenckhen bey Eüch ausfallen wurde, angesehen auch, das vonn Fürsten unnd Herren niemahlen gewohnt seye, den Paas Specialiter unnd absonderlich, unnd ohnne einen Aufbruch (anderst als für frembde Völckher durch die Eydtgnoschafft Landt unnd Ohrt) zue begerren; wan Je disfalls Passes halb bey Eüch Ein Difficultet erweckt, das derselbe durch des H. Obersten Zuethuen seinem schuldigen obligen erforderendermassen hette begegnet werden könden.

Darumb wir Eüch ... hier mit diserm Erinerungschreiben ersuoehen wöllen, bey so gestallten dingen den Unnseren Jnn Jrem angetretnen offnen Kriegs Zug kein fernere Hindernus zuezueführen, der Hoffnung, so etwas bey Jrem Ohrt etwas zue Jrem Contento von Jemandem anderen underlassen worden, die unnseren sich nit zue entgelten unnd den hiervon auflauffenden Costen unnd schaadten ann Innen selbst haben sollen, anderst möchte es auch bey unnserem gemeinen Man, mit dem man auch handeln müessen, widerwertige gedanckhen erweckhen, die wahre Eydtgenossische unns allerseits Nothwendige Vertrauwligkeitt leichtlich alterieren, welche wir aber unnser theils vill lieber in beharrlicher fortpflanzung treüwhertzig unnd auffrichtig zue erhalten gesinet".

1) vgl. AH 59/148

2) vgl. EA V 2, 1434 b

Kopie von Landschreiber Karl B e t s c h a r t, von Schwyz - AH 59, 127-128

48

1647 August 16.

A

SCHREIBEN VON LANDAMMANN "UND EIN[ER] GANTZE[N] VOLKHOMNE[N]
LANDTSGMEIND ZUE URY BY EYDEN VERSAMBT" AN [AMMANN UND
RAT VON STADT UND AMT] ZUG

"Wyewoll umb den Durchzug des nach überigen zuo diensten des H. Grosherzogen

zuo Florentz [Ferdinand II. M e d i c i] geworbnen Eydtgnösischen Volckhs¹
 by uns grosse und solche Bedenkhen entstanden die uns von der bewilligung des
 Passes durch unsere Landt und Vogtyen [insbes. die Leventina gemeint] woll
 abhalten mögen. So haben wir Jedoch an hütigen unser Versamlung deswegen ge-
 haltner Landtsgmeind zuo ehren und respect der vier ... [kath.] Orthen [SZ,
 OW, ZG und GL], die Jn disen uffbruch consentiert, auch zuo bezügung, dass
 wir denselben wye auch hochgedachten H. Grosherzogen alle möglichste willfahrr
 zuo Jeder Occasion begeren zuo erwysen, uns dessen erkhlärt, wann Herr Gross-
 herzog uns umb den Pass ansprächen und 1500 Silberkhronen (So doch noch vil
 minder als ein Pention ist, die Verpündte Fürsten umb erhaltung der Uffbrü-
 chen und Durchzügen bishero ufs wenigist bezalt) erleggen wurdt, dass in soll-
 chem fahl demselbig fürgemelt Volkh der Pass für dismalen concediert und of-
 fen syn solle. Jn Hoffnung wyl wir Jr Durchleücht hierinnen unsern verpündten
 Fürsten glych haltendt, werde sy hieran ein günstig vernüegen thragen und Jr
 ... daby gespüren, das wir von Jrentwegen alles das Jenige gethan, was ohne
 schmelerung unser Fryheit undt gerechtigkeit auch ehr und reputation beschä-
 chen möge. Sonsten khönnen dieselbigen vernünfftig ermessen, das wir kein
 obligation zuo bewilligung dises Durchzugs haben, wylen wolgedachte 4 Ohrt
 zue disem Uffbruch nit verbunden auch deshalb dem Fürsten das Volkh nit
 schikken, sonder allein den Jrigen zuogelassen, das sy sich Jn denselbigen
 dienst uff ein gwüssen soldt begeben mögen, dahero dan auch der Fürst nit mit
 den Orthen sonder mit einem Particular Obersten [Jakob L u s s e r] capitu-
 liert, das Volkh umb ein gwüs empfangen Stukh geldt uffzebringen und uff den
 Musterplatz zeliefern. Aber wann Jr ... mit Eüwerem ehrenzeichen us obliga-
 tion und schuldigkeit einem verpündten Ohrt oder Fürsten us rechtmessigen
 Ursachen Jn iüwer eignem wagnus und von Standts wegen zuozüchen wurden, da
 wurde es by uns ein ander meynung und nit so vil bedenkhen haben.
 Das ist so eüch ... uff Jr fründtlich Ansuoochen und begären andtwortlich an-
 füegen wollen".

"Copia schrybens von der Landtsgmeind Ury an Zug ... Ingelifert zuo Zug von
 Märchtslüthen von Lucern erst den 21. eiusdem"

1) Auch Oberstwachmeister B e a t J a k o b I. Zurlauben hatte eine Kom-
 pagnie im Regiment Lusser inne.